

南澳志序

輿地之有志猶國之有史
也其體昉於夏書禹貢周
禮職方氏至後世條分縷
析凡郡邑莫不有志以備

一方掌故蓋山川土田民
風物產於是乎徵雖遐陬
僻壤不得而廢焉南澳藐
茲一島孤懸於大海汪洋
之中自唐宋以來世爲荒

服前明萬歷間始設官鎮
守然寇氛不靖往往梗化
我

國家聲教覃敷溥海內外悉
隸版章雖海邊天末而奮

武揆文所以救定之者無
所不至康熙二十三年特
設專闈以重其守嗣因澳
地分隸饒平詔安兩邑撫
字催科鞭長不及復設同

知二員專司牧養以故瀕
海之民飲和食德沐浴仁
風迄今百有餘年矣歲辛
丑余奉

天子命來鎮是邦見山川之流

峙城郭之壯麗人民之生
聚防守之森嚴竊嘆

朝廷區畫海疆萬里之遠如
在目前朝夕密勿勉供厥
職以無負

聖天子委任之重顧念南澳地
雖一隅而屏障內地聯絡
外洋屹然爲閩粵重鎮其
間開闢之由沿革之故兵
制糧儲田賦學校之規制
苟不勒爲成書以昭示來
茲將

聖相承懷柔撫綏之道湮沒而
不傳而守土之臣亦無以
考得失而昭法守適天都

齊公分守茲土因與商所
以誌之齊公力爲己任采
摭網羅不遺餘力凡閱數
月而書成綱舉目張不支
不漏而於建置海防尤加

詳焉夫漢書本於子長晉
書成於衆手齊公以創始
而兼獨任故其成之爲尤
難也蓋此志之成關兩省
邊陲之大計補前人紀載

所未備雖簡冊無多而一方之文獻徵焉

朝廷之典故備焉其所繫豈淺鮮哉後之君子服官守土以此爲冊府之事鑑而

南澳志

奉爲典型將益兢兢於職守焉其所以嘉惠來茲者不旣多與是爲序

乾隆四十八年秋八月

欽命鎮守福建閩粵漳潮南澳

等處地方總兵官加三級
溫水招成萬頓首拜撰

南澳志序

有天下之形勢有一方之形勢宅中圖大居重以馭輕
此天下之形勢也守險據要控此以制彼此一方之形
勢也是以古之爲國者必明於形勢而辨其夷險察其
向背以度其戰守攻禦之所宜而不爭其所可棄而棄
其所必爭何謂爭其所可棄隋之征高麗明之討交趾
是已今夫朝鮮日南天地之閏位也中原之駢支也山
川土地非有蕃夷之界畫海邊天末非能爲中土之屏
藩也而爭之勞師糜餉待以侈其好大喜功之心是可

已而不已也若秦之開林邑元之伐琉球則又其甚焉
者矣何謂棄其所必爭唐之隳受降明之撤河套是已
今夫拂雲祠花馬池在河之北地形雄坦爲吐番突厥
出沒之區當秋高草淺之際輒控弦鳴鏑以窺我中土
楊一清所謂據三面之險當千里之蔽者也舍受降而
衛東勝舍東勝而就延綏遂使數千里之沃壤神臯爲
寇甌脫而外險因之而盡失是自撤其藩籬也是自斥
其屏蔽也若宋之西棄涇原環慶北棄燕雲十六州則
又其甚焉者矣今夫南澳固必爭之地也襟漳帶滄

百粵聯七閩內而達濠神泉遶浪汕尾南日銅山金門
溘與吭背相屬外而琉球日本崑樂安南宋脚馬辰咖
喇吧英咭嚟呼吸可通納海天於寸眸拳蕃夷於一掌
固東南之門戶閩粵之咽喉而一方之形勢也爭之則
我據其勝棄之則寇得所憑譬作室然垣墻之設壁壘
之張皆所以衛其室者也去其門脫其局甚或以其門
戶扃鏑之所以自持者而挈以與人則垣墻雖壯壁壘
雖嚴而不能以自固何也失其所恃也明信國公湯和
經畧海上以南澳負固巢賊遂墟其地而徙其民夫地

能墟之而不能濬之民徙則寇生此不待智者而知其
然矣坐委其地利而資賊以天險此倭之患所爲與閉
相終始也或曰信國公棄其地而失是則然矣萬歷以
還防之而亦失則又何也曰其所以防之者非也今夫
嚴哨巡簡卒伍利器械葺戈船此防之具也修封疆守
要害蹊塹隧謹禁防此防之事也務農足食通商惠工
敬教勸學授方任能此防之本也合此三者然後可以
據險而守其地非然文恬武熙政教失於上營伍弛於
下雖得其地與棄地等譬人身之有四肢所以捍頭目

也然必一身之血脉通而後手足之運用靈隨其痛癢而皆有以相及若痿痺焉則窳矣明之軍政猶痿痺之四肢也豈能以爲衛然謂其頭目不能捍而遂以四肢爲可棄此則事之必不然者矣吾故曰善爲國者不爭其所可棄而棄其所必爭因歷考其興廢因革輯爲一書以明

國家所以設險之意而其山川之陂而復平城郭之圯而復修田疇之蕪而復闢人民之流而復歸兵制營伍之裁而復設一一悉著於篇於以考得失而昭法守亦使後之覽者知所鑒焉是爲序

南

卷之

序

乾隆四十八年秋八月粵閩南澳海防同知婺源齊紳

撰

南澳志

圖

四澳全圖

深澳圖

雲澳圖

隆澳圖

青澳圖

城郭公署圖

南

四澳全圖

台砲上



平饒

樟林 南洋

井洲

石門

牛心石 東石

信洲

三嶼

澄海

濠門

遠濠

小港

大港

離郎洲

前江

粗沙洗

羊礁

砲台

下砲台

上砲台

長山尾

烏嶼

赤嶼

白嶼

草嶼

老果山

山邊角澳

羊嶼

白牛

走馬埔


白沙灣

西砲台

南
深澳圖



雲澳圖 南



陸澳志圖

南

卷之一

圖



青澳圖

南海志

卷之一

圖




城郭公署圖



南澳志

卷之二 圖

七



南澳志 目錄

卷之一

星野

卷之二

疆域

山川

關扼

卷之三

建置

城池

公署

卷之四

職官

宦績

南澳志

卷之一 目錄

卷之五

田賦

戶口

積貯

卷之六

學校

卷之七

廟祀

卷之八

海防

風信

潮汐

盜賊

卷之九

人物 列女

卷之十

物產 氣候 風俗 歲時

卷之十一

藝文

卷之十二

雜紀

南澳自開闢以來世爲荒服至明萬歷間始入版圖然屢遭寇焰或墟其址或徙其民廢興因革之故蓋

紛如矣夫彈丸一島遠寄於水天浩淼之區其山川土田曾不得比於郡縣之一都一鄙而

朝廷設官分職若重加之意焉者豈非以南澳爲漳潮之門戶粵閩之屏藩歟故茲篇於建置海防特加詳覈而其山川土地民風物產並縷析條分類爲二十六門釐爲十二卷於以見海疆之區畫得防則澳之人生於斯長於斯聚國族於斯咸得以有其土地有其人民失其防則漳潮無所捍衛而患且蔓衍於東南其流離散徙不獨澳之人已也此固失則俱失

而得則俱得者也唯是南澳兵燹頗仍之後典籍散
亾老成凋謝載稽舊事文獻無徵而南澳舊志十卷
明萬歷間副總兵黃岡所脩其書目見於漳州府志
者今其書已無傳僅舊吏張敏家抄存一殘篇斷
簡缺而不全其於舊事可考者亦千百之十一焉爾
故採摭纂輯極費網羅凡數閱月而書成其校字謄
寫則生員陳必煥澳人曾斌張敏李成揚大璋鄭瑞
周振南柳日菁江鯉與有力焉



星野

天道遠人道邇故善言天者必有驗於人周禮保章氏掌天星以志日月星辰之變動以觀天下之辨其吉凶說者謂變者天道也遷者人事也自漢以來辨地分星或以爲九州之封界或以爲歲星之所在其說不同而要其相天星之妖祥以徵政治之得失其義一也書曰天視自我民視天聽自我民聰明于此者可以語天人之故矣志星野

南澳志

卷之一 星野

南澳分野

南澳西接饒平澄海東接漳浦詔安俱不及百里固閩粵之交也閩粵于古九州爲揚州之域周禮注十二次之分星紀吳越也吳越屬揚州案爾雅星紀斗牽牛也郭璞斗牽牛者日月五星之所終始故謂之星紀其說有斗牛而無婺女後漢書星紀起斗十二度至須女七度直謂星紀起斗十度終婺女五度蔡邕謂起斗六度終婺女一度皇甫謐謂起斗一度至女七度其說有斗女而無牽牛是星紀或以爲斗牛或以爲斗女或以爲斗牛女其說已不

同而史記天官書牽牛婺女揚州前漢書吳斗分野越牽牛婺女分野范曄後漢書志牽牛主吳明太祖分野書閩粵諸郡俱屬牛女張守節又謂牛女不專屬閩粵所言分野其說亦異鄭康成謂大界曰九州州中諸國以封域於星亦有分其書亡矣今測候家謂潮州專屬牛漳之詔安屬女七度七分之三據宋鄭宗彊星經以一度爲一千四百六里有奇潮與詔安接壤不及百里不應度數懸隔若此此正鄭氏所謂堪輿雖有郡國所入度非古數者也且星之分所以占也而歷考其所占之星初不于其所分之

野左傳梓慎曰夏數得天火作宋衛陳鄭當之又曰歲在星紀而淫于元枵蛇乘龍宋鄭必饑禘竈云歲棄其次而旅於明年之次以害鳥帑齊楚惡之夫星字於大辰而占在宋衛陳鄭失次在星紀而占在宋衛齊楚是占星固無定所也而卽其所分之野亦不主于其星如鶉火爲西周豐岐之地而星分于豫而不分于秦燕在北而山以東方之析木魯在東而配以西方之降婁秦居西北而鶉首次于西南越居東南而星紀次于東北是分星亦無定位也或謂古人定分野以氣不以星體此已離其本旨或又謂

星起于北光燭于南顧鶉首何以燭于西析木何以燭于北此尤無據賈公彥謂分野之說此古受封之月歲星所在之辰陸清獻嘗稱其說可以補鄭氏所未及然後世占分野而妖祥亦應則又不盡于受封之辰也愚竊以爲分野經星也故有所主之封域歲星緯星也無常主蓋古人則天垂象主其事則祭其星故祝融分柳星張闕伯分太火太皞分角亢炎帝分翌軫黃帝分析木少皞分奎婁顓頊分室璧皆因所王之德義各有取後世居其土者因之而已至于分野之妖祥客星彗孛之氣之懸而爲象者或

于其次或不于其次玩所占之于以察天象之休咎而考人事之轉移如熒惑守心退度之類其于古人敬天勤民之學或有當焉若夫九州之大而主者七星其分星之所自始與星之所以分則孔穎達所謂徒以相傳爲說其源不可得而聞者也